

# خزینہ اوراق

نمبر ۶

تاریخ تاسیس  
۱ مایس سنہ ۱۲۹۷

جمعہ ایرتسی

عمومی اعتباریہ فنونہ دائر رسالہ ادبیہ در

آیدہ درت کرہ اولہرق جمعہ ایرتسی کونلری چیقار

روان ایکن کریوه حزن وملالده افتان وخیران ایکن غلام غفلت  
مرتفع اولدی . ظلام حیرت مندفع اولدی . شهره حقیقت  
کورندی . درگاه سعادت کورندی . مشعل اتقان یاقدم . چشم  
امعان ایله باقدم . کوردم ایکیسی بروطن ایمش . صفا بخش  
جان وتن ایمش . مکر بوخاصه ممالک عثمانیه نك هر جزونده  
وار ایمش . اهل بصیرته اشکار ایمش المندلله حقیقت حب  
وطن معلوم اولدی . سر وحدت مجزوم اولدی . ارتق  
کوکل بوصله سی نه عینتابی ونه ده آستانه یی کوستر عوما بمالك  
شاهانه یی کوستر ( یارب بنی بوخاك پاکدن دور ایتمه . دور  
اولسدمده حسن التفاتدن معجور ایتمه مینای دلی صهبای محبتله  
یر ایتدك کاسه سیریمی ده انك خاکيله لبریز ایت ایکی جهانده  
بنی عزیز ایت الهی وطن عزیز وطن سایه سنده معور  
ایت . اعداسنی مقهور ایت . راه محبتده تم خاک اولسون  
خاکيله چشم امیدم تابنك اولسون ( بودعالله ترزبان اوله رق  
امید اجابتله شادمان اوله رق . صوب مقصوده عنانتاب اولدم  
وارسته قید ستابول وعینتاب اولدم .

اکرم بك افندی حضرتلرینکدر

اولانلر فیضیاب انقباه اثار قدرندن

البرل حصه عبرت تماشای طبیعتدن

ای روح مدهوش ! طالمش اولدیفك خواب کران غفلتدن  
ارتق بیدار اول . سنی احاطه ایدن شو تماشاگاه بر شکووه  
عطف نظر دقت ایله . کندیکی ومحاورات سائرهمی مشمول نگاه

ابنصار ایت . اصللرینی، صورت تکلرینی، شکلرینی، فواندینی  
 بشقه بشقه نظر تحیره آل . آثار رحمت الهیه ناظر اولان  
 هر قلبي مشمون حیرت واعجاز ایدن شو روابط مالا نهایت  
 کائناته باق !

بعضاً کؤک یوزینسه نظر ایدرم . انک او الوان مشعشه  
 ومتنوعه سخی، عالمه نشر انوار ایدن او ییلدیزلری، پرتوی  
 محاط اولدیغم اشیای بکایان ایلان او شمس تابانی تماشا  
 ایتدیکه مفتون ومتحیر اوله رق بو شیر کیمک اثری اولدیغی  
 کندی کندیه شو صورتله سؤاله باشلارم :

بو قبه فسحه سمواتی کیم انشا ایلدی ؟ ... عد واحصایه  
 کلیمان او قنادیلی اورایه کیم تعلیق ایتدی ؟ ... شعشعلری  
 او درجه اوزاق مسافه لر دن بزه قدر ایصال ایدن او ییلدیزلر  
 هانکی صانعک اثریدر ؟ .. انلره او قدر انتظام تحنده سیر  
 و حرکتی کیم تعلیم ایتدی ؟ .. کونشی تنویر عالمه، افاضه ارضه  
 مأمور ایدن کیمدر ؟ .. ای یوجسه طاغیر ! سزه بویله طرح  
 اساس استوار ایدن، سرکزی بلوطلره قدر اعلا ایلیان کیمدر ؟  
 سزی او سبز و خرم اورمانلرله، او میوه دار اغاجلرله، او بیک  
 درلو نافع نباتات ایله، اورنکن ازهار متنوعه ایله تزین ایدن  
 کیمدر ؟ .. شوا هقکزی قارله بوزله ستر ایدن، ارضی اروا  
 واحیا ایدیچی او منبعلی - هر طرفه فیض و برکت و حیات  
 بخش ایلچی او نهرلری سینه کزده نبعان و جریان ایتدیرن  
 کیمدر ؟ ..

ای کوزل چیچکار ! بو زینتی، بو ادایشی سزه کیم بخش  
 ایلدی ! .. سزه بو لطافت دلفریکری حصوله کتیرن بر اوج

طوپراق بر قاج طمہ صودن عبارتیدر؟.. تفریح مشام ایدن  
اوروایح طیبہ بی نرہ دن بولدیکز؟.. تزیین انظار ایدن او  
الوان کونا کونی سزه کیم احسان ایلدی؟..

ای طوپراقلری، صولری شناسدیرن مخلوقات! خلقتکز،  
حیاتکز، وطبیعتکز - صورت تعیشکز موافق اولان وقوه  
ادراک بشری دوچار حیرت واستغراب ایدن او یک درلو  
خواص وحواس عجیبہ کز کیمک عطیہ سیدر؟..

عقل وادراکی ککشتہ حیرت ایدن بو غرائبی دوشوندکن  
مسکرہ بر اراق کندیمی خطرله سرفراز مخلوقات اولان نوع  
بشرک خلقت وماہیتی تأملہ باشلارم. بوضرہ دخی محیر عقول  
بر نیچہ خوارق فوج فوج پیش نظر عبرتمہ کلیر وکوکلمی  
متاثر ایلر. سبحان الله!.. بر اوج طوپراق او درجہ منظم  
بر وجودہ نصل منقلب اولدی؟.. نصل اولبورکہ اووجوددن  
بر عضو کندیسنی محیط اولان اشیای کوریسور. بر دیگری  
اطرافندہ حصولہ کلان اصواتی ایشیدییور. بر اوچنجیسی  
هوایی تعطیر ایدن روایح طیبہ دن مستفید اولبور؟ افکارمزی  
ارزولرمزی ہم نوعز ارہ سندنہ تمامیلہ اکلاذوب اکلامق  
قابلیت کرائقیتی بزہ کیم احسان ایلدی؟.. هلہ الک یسوک  
بر نعمت اولان فکر و نظری کہ - کافہ اشیای میران دقتہ  
اورمغہ، ارہ لرندہ کی روابط ومناسباتی تحریہ و بو صورتلہ  
یکیدن یکیہ بر حقوق معلومات وفوائد استحصانہ والخاصل  
بشریتزی اثباتہ مدارد - نرہ دن بولدق؟.. ای رب الارباب  
اولان ذات الہی! حقایق ناقابل ادراک اولان بونجہ متأثر  
خارقہ بی تأمل ایدوبدہ بونلر بشون سنک اثر صنع قدرتک

اولدیغنی فصل فہم ایتم؟.... او اشیا ایچندہ سنک حکمتی،  
عضمتی، عدالتی کہ - مخلوقاتک و خصوصاً نوع بشرک  
مسعودیتند سبب والتدر - فصل مشاہدہ ایتم؟.. اوت اللہم!  
یو کائنات واندہ مشہور اولان اثار حیات - وحرکات وسکناات  
ازلہ رجتریز صدور اولان فرمان قدرت بیان \* کن فیکون\*  
کلہ جلوہ نمای وجود وشہود اولدی!....

« ای وارلغی واری وار ایدن وار  
یوق یوق سکا یوق دیمک نہ دشوار  
دیر ہر شیتک لسانی ہر کاہ  
اللہ اللہ اللہ اللہ »

بر ذات عالیقدر طرفندن الدیغمز مقالہنک عیندر :

### چین امتحانی

چیندہ خاندان سلطنت اعضاسندن وچینک اک مشہور  
فیلسوفی و بر مذهب مخصوص مؤسس اولان (قونگو چیوس)  
سلالہ سندن اولنلردن بشقہ توارث ایدن اصلزادہک رتبہ سی  
یوقدر .

اصلزادہک رتبہ لری ودولتک اک بیوک مأموریتلری انجق  
اوزون ومشکل درس لرلہ مشغول اولہرق کسب اہلیت واستحقاق  
ایدنلرہ ویریلور .

اصلی کڑک بیوک بر خاندانہ منسوب اولسون وکڑک عوام  
ناسیدن بولنسون ہیج بر کسہ لازم کلان امتحانی ووروب  
شہادتنامہ المدقجہ دولت مأموریتنہ نائل اولہمز .